



Ukiuq Tamaat Titiraa

taapkunanut

Nunavunmi Kititiriyyitkut

Talvanga Qitiqautiyuq 1, 2015 mit Qiqailruq 31, 2016 mut

Tunihimayaat Kavamaliqiiyitkut

Imaruqtirvia, 2016

2015 mit 2016 mut Ukiuq Tamaat Titiraa

Nunavunmi Kititiriyyitkut
(Nunavunmi Kititiriyyitkut)

Kavamaliriiyitkut quviahuqtut tuningmatta ukiuq tamaat titiraannik Nunavunmi Kititirinikkut uqiegannut Qitiqautiyuq 01, 2015 mit Qiqailruq 31, 2016 mut.

Kangiqhidjutikhaq

Nunavunmi Kititiriiyitkut ittut Pangnirtuuungmi piqaqhutik Kititiriiyitkut Ihivriuqtiiviqaqhutiklu havaktiqaqhutik 9 nik – Aulapkaiyimik, Tallimauyt Kititiriiyit pingahutlu Ihivriuqtiiplutik (7 nik havaktiqaqtut). Nunavunmi Kititiriiyitkut (Bureau or NBS mik taivagaat) havaaqaqhutik munariplugitlu kaffit havaakhat kitirinirmun tuniqhaiginnaqhutiklu tatkqihiut tamaat, hitamiuqhutik ukiuq tamaatlu tunihiplutik atiqaqtunut tunihiviyaiyukhanut. Piqaqtutlu malruuungnik qaritauyakkurutainnik:

www.stats.gov.nu.ca/en/home.aspx uvalu www.gov.nu.ca/information/statistics-home.

Hapkuat tunidjutivaktut nunaqyuaqiptingni nunallaat ihivriuqlugu Nunavut talvuuna kititirinirmun naunaitkutainnik. Kititiqhimayut naunaitkutait hulivikhainnut pidjutivaktait Kititiriiyitkut Kanatami, kanatami kititirinirmun timiqutaat ilangginniklu ilauyt naunaitkutainnik piyauvaktutlu titiqqiviit naunaitkutainni talvani Nunavut Kavamanganni (GN).

Titiqqiviliqinikkut, Upalunggaiyainiq Munariniqlu Hulidjutait

Nunavunmi Kititiriiyitkut kititiqvigilluaqtaat Nunavut Kavamanga. Kititiqvia katitiqpagait, titiraqhugit, ihivriuqhugit tunikhaiplugitlu kititiqhimagayut naunaitkutait talvunga Nunavunmi Nunavunmiunut tamaani Kanatap. Kititiqhimagayut naunaitkut piinnariaqaqtait ikayuutikhainnik kavamatkut ihumaliuriamingnik, upalunggaiyailutik atuquinirmun ihivriungnirmunlu, imalu naunaitkutikhanik pivikhaqaqtittilugit inuit. NBS kutlu piliuqhimmaqpaktut inikhaqaqvikhaanik havaagiliqlutu uqaudjauyikhamik takudjutihimalugulu havaakhamik aadlanit pivikhaqaqluni ihviriuyaami pilunilu hunamut ihivriuriamingnik immikkut.

Kititirinirmun Maligaq

Nunavut Kititiqvia Maligaa inikhimanggittumik tuniyauyuq Maligaliurvingmut talvani pipluni Pingahuiqtukhugu Taiguaqtavuktut Upluiqtirvia 05, 2006 mi. Maligaq inmat Nunavunmi Kititirinirmun Havakviatani piinnarialalaqivaktuq naunaitiaqtauuhimaplutik naunaitkutikhat ihuaqutigiyauplutiklu talvunga Nunavunmut talvanga Kititiriiyini Kanata.

Qaritauyakkut Naunaitkut Tuniqhainirmunlu Naunaitkutinik

Kititiqvia tuniqhaivaktait kititiqhimagayut naunaitkutinik kaffinut Nunavut Kavamani Havakviitnut, ilanggitlu Ukiuqtaqtumi Avikturviit, Nunavunmilu avikturviitnut, tahapkunanutlu tiiviiliqiiyit naalauhiliqiiyinutlu, ayuittiaqhimayunut, ihivriuqtiinnut aadlanutlu atuqattainnaqtainnik. Amigaitqjani kititiqhimagayut naunaitkuatait tuniyauvaktait Kititiriiyitkut Kanatamin. Nunavut Kititiriiyitkut atuqpagaitlu titiqqiviliqinikkut naunaitkutikhainnik GN kut Havakviitnit aadlatlu katimayiuyut piumayainnik atugumayait nunallaap.

Nunavunmi Kititirinirmun Qaritauyakkuugutait

Nunavunmi Kititirinirmun qaritauyakkuugutait takuinnariaqaqtait Nunavunmiunut inungnutlu uumani: www.stats.gov.nu.ca/en/home.aspx uvanilu www.gov.nu.ca/information/statistics-home. Ayurnaittut qaritauyakkuugiami amigaittuniklu naunaiyautiqakhuni, taiguararhat aadlaniklu naunaitkutinik taiguarumaniaqtainni amaigaittut inuit qaritauyakkuuyuqtunik. Qaritauyakkuugutit naunaitkutiguvaktut inungnut Havakviani piqaqhutiklu uplumimun taiguararhanik taapkuatut, pidjutihimmaangginnaqtainik taivaktait *StatsUpdate* mik inungnik, maniliurnitigut, havaaqhanik, akiliuhiah, Ihivriuqtauyunik pidjutigiyauyt inuqangniitnut pidjutihimayut Nunavunmut. Imaalu, kititiqhimayut naunaiyautinik hapkuninga uplumimut ihuaqhaidjutuq pagait qaritauyakkuugutainni. Naunaitkutit qaritauyakkut anggiqliliqyuummiliqtut nutaanggukhutiklu iluaniitut ilaliutauniaqtut, pivikhaqaqpait talvuuna.

Tuhaararhat

Kititiqvia piliuqpaktut tuhaararhanik atiqaqtunik *StatsUpdate* mik, tuhaararhaq pidjutiplutik pivaktut ilitturipkagumaplugit taiguaginnaqtainik kititiqhimayunik naunaitkutanik pidjutihimayut Nunavunmut. Una Tuhaararhaq pivikhaqaqtuq naunaitkutinik kititiqhimayunik kaffini uplumi inungni maniliungnitigut piutainnik. Tatkiqhiut tamaatlu kangiqhipkaidjutiqahutik Havaaliquinikkut Ihivriungninga, Niuvaaviit Akinggit Naunaitkutainnik, Havaaliquinikkut Nalliuikhainik Akiliuhiah, Havaakhanutlu, taapkunaniqlu Igluqpanut Anggiqtaudjutauyut, Niuvaaviliqinikkut aadlaniklu ihumagiayuvt. Naunaittaqtauvaktutlu titiqqat taapkunanik Niuvvaaviit Akinggit Naunaitkutainnik Iqalungnut Niuvvaaviliqinikkut Himmauhirnia qaritauyakkut naunaitkutainnik Nunavunmut tuniyauvaktut piliuqpagaitlu tatkiqhiut tamaat. Tatkihiutit pinggahuit naatkaangngat *StatsUpdate* titiraa taigualiuqpagaat inuqangniitigut nalautilluanganngut nampait Kanatamun, kanatap avikturviitnut ukiuqtaqtumilu avikturviitnut.

Nunavunmi Kititiqvia pivikhaqaqtutlu uqiuk tamaat naunaitkutinik *StatsUpdate* nit Nunavut Niqinut Akikhainnunut Ihivriungninga, Atauttimut Akia Hunavalurmut, Havaaliquinikkut Ihivriungninga, Inuuyut, Huiqhimayut, Ihuinaaqtut Kanatamut Ukiuqtaqtumilu Avikturviitnut, Inuqarniat Nalautihimanggittut Nampait, Havakpaktut Ikaangniit Havaamilu Inikpagait, Inuaqtauyut kaffitlu aadlat ihumagiayuvt. Naunaittaqtaumik ukiuq tamaat titiraa inuqarniat nalautihimanggittut nampait piyauvaktutlu tuniyauplutik. *StatsUpdate* Ihivriungninganut Kanata piyauvaktut talimat uqiut naatkaangngat pidjutiplugitlu ihumagiayuvt – Uqauhiq, Nunataarhimayut, Ilinniaqniq Havaaliquinikkut Akiliuhiah, Iglukhanut Inuuliriyyitkul Havaakhait.

Qaritauyakkut Naunaitkutait Piumayayut

Kititiqvia pivaktut kaffini piumayayuni kititiqhimayunik naunaitkutinik uqaudjauyumaplutik kititirinirmun pidjutihimayut Nunavunmut Nunavunmiunutlu. Piumayayut pivaktut amigaittuni talvallaqli kingguliq piumayaunia pivaktuq GN kunni Havakviitnit. Amigaittut piumayauvaktut pivaktait Ukiuqtaqtuni Avikturviitnilu Katimayiita, uqaudjauyit, aadlatlu ilishaqvikyuat, atugakhaliuqtit aadlatlu katimayiuyut Nunavunmi ahinilu nunaqaqtuni. Ataani titirarhimayut ilanggit ‘ikpingnaqtut’ talvalu pidjutihimmaangginnaqtait piumayayut Kititiqvia kiuvaktainnut uqumi atulihaaqtumi:

Kititiqhimayut naunaitkutit taapkuatut inuqangniit havaaqhatlu piumalluaqtavaktut naunaiyautainnik piumaplutik. Pilluagumayauvaktutlu Nunavut inuqangniitigut nalauhimanggittunik nampait ukiutigut, angut arnaq naliak, nunallaamin avikturviitmilu. Ilanggit piumayauyut piyauvaktutlu nunallaatigut inuqarniit hivunikhami. Piumayauyutlu huiqhimaniatigut inuuuniklu nampaita, inminiiqhimayutlu nuutirinirmunlu.

Taimaa ukiuq tamaat, Havaaliqinikkut naunaitkutait piumayauginnaqtut Havakviuyini. Piumayauyut ilaliutivaktaid qanurinmanggaat havaanggit kaffiuyutlu, havaktut havanggittut, havaakkhalit havaaqanggitut ilaunikkut akiliutit, havaagiktuni havavikyuanilu qanurinmanggaat havaaliqinikkutlu Inuinnaqni Inuinnaunggittuni ukiunggitlu. Naunaitkutitlu piumayauvaktut tatkiqhiut tamaat ukiumilu atauhirmi naunaitkutaini Havaakkut Nalliuutivikhaitigut (EI mik taivagaat) qanurittunik ikayuuquiaqtut qanggakyuaminlu EI ni naunaitkutait inungnut piyut ikayuutainnik.

Ilanggitlu piumayauyut taapkuangnguyut ihuinaaqnikkut kititiqhimayainnik, ilaliutipligut naunaittiaqhimayunik ihuinnaagutait kaffitlu ihuinnaaqpaktut, inungni nunallaatigutlu. Piumayauyut pidjutigiyauyut qaritauyakkut naunaitkutainnik ayukhaqtitiunut aippaminut nuliangminut imaalu ninggakyuangnikkut piyauyutlu. Ilinniaqnikkut naunaitkutait amigaittunit piumayauvaktut talvalluaqmi nampait kaffiuyaqaqhat ilihagumayunik, ilihaqpaktunik ilihaqvikyuanilu ilihakpaktut iniktiqtutlu. Aadlatlu naunaitkutikhat piumayauvaktut pimmaqluktunit ikayuuquiaqpaktuniklu.

Piumayaungginnaqtutlu nanminitigut maniliurnikkut naunaitkutainik – Atauttimut Hunavalurmik (GDP) taimaitpiaq tamaita, mikiyut GDP lu havavikyuanut, Niuvvaaviit Akikhaitatigut, Inkamtaaksiut naunaitkutait – taaksiliqivaktut ikayuuquiaqhainnik havaatigut, qitqani maniliuqpaktut nunallaatigut inuitlu pivaktut nalliuutivikhainnik havalimainmatta pimmaklukkamik. Anggiyunik naunaiyautigiyauyunik talvanga 2011 Kanatap Tamaani Igluqaqtunut Ihivriungninga piumayautqianguvaktutlu inuit ihivriuqpangmatta nunallaatigut naunaitkutainnik taapkuangginnait piinnariaqaqtunik talvuuna ikayuutini. Aadlatlu piumayauvaktut havaaliqinikkut naunaitkutainnik, nunallaatigut naunaitkutait igluliqinikkut, uqauhikkut, Inuinnaat, akiliuhiaakhat, havaatigut ilinniaqnikkutlu.

Ihvriungnikkut Ihuaqutigiyauyutlu Hulidjutikhait

Nunavunmi Kititiriiyitkut kaffinik havapkaktut anggiyanik ihivriugutivakhutik ihuaqutigiyauyuniklu havaakkhat uqumi atulihaaqtumi maniliqiiyit uqiungganni. Taapkuat ilaliutipligut Ihivriungningat Kanata, Nunavut Niqinut Akinggit Ihivriungninga, Nunallaani Inuqarniit Nampait Nalautihimanggitut Havaakkhatlu, Ihivriungnikkut Havaakkhat, Ikayurniq Pidjutigiplugu Nakataa 23 Nunavunmi Nunataagutit Angigutaanut, Nakuuhivalliaplugit Ikayurniq Pidjutigiyut, Tatkiqhiut Tamaat Havaatigut Ihivriungninga, Nunallaami Maniliurnitigut Naunaitkutit Qaritauyakkut Havaakkhaq (CSEDP mik taivagaat) hapkuningalu Aadlanik Pidjutihimmaangginnaqtut Ihuaqutigiyauyut Havaakkhat.

Naunaiyaingniq Kititihimayunik Kanatami

Pidjutihimagiiktuni naunaiyainiq kititihimayunik, NBS kut ikayugumaplugit ikayuqtiaqtittiyut Kititiriiyinut Kanata (STC mik taivagaat) 2016 Naunaiyaingniq Kititihimayunik. Talvallaq, STC kut pitquyait Havakviyuq katitikublugin pivikhaqaqquplugit naunaitkutikhanik tamainnut nunallaat naunaiyaqhugit titirarhimayut Maiyat, SAO kut, Katimayiuyut, Kavamatkunnut Kivraqtuiyit, naalauhiqiviit aadlatlu amigaittut. Naunaiyauriami ihariagiyauyut tuhaqtipkainikkut, naalaquplugit katitiqhimayut ublunggit, havaktitinikkut nunallaamit malikhautittivikhamik/uqaqtikhanik. NBS kut katitiqtaitlu nunallaani nunauyanik aadlanik ayungnavyaqtunik titiqqiviliqidjutinik ikayuqtivikhaqaqtittiplutik STC kunnut ayukhautiqaqqat katitiqtiplutik,

Piyukhaugaluaqtillutik naunaiyainikkut kititiqhimayukhanik ubluata piyaami Kanatami Qiqiayarluarvia 2016 mi, nunallaat Nunavunmi ihumagiyauhainnaqtut Pinarikhugit Titirarhimayuni. Taapkuatut, naunaiyaingniq kititiqhimayunik kanatami aulavikhanut talvanga Iidjirurvia 1 mit Qiqialruq 31, 2016 mit. Akhuuqhaiyit iglumunggauqattaqpaktut inungnut titirariamingnik Nunavunmiunut 95 pusanmik pidjutiplutik Nunavunmi.

NBS kunnit ikayuqtuit pidjutihimmaangniaqtait atuliquqat maniliqiiyit uqiungat aippaagu pittillutik naunaiyaingnikkut kititiqhiliqqata. STC kut havakpagait una ihivriugut talvanga pigumikkiq katitiqhimayunik naunaigiami titiraqlugitlu nunataaqhimayut kititiqtauyunut atauhiangginnaunggittumik pinggitaatluunniit havaktillutik. NBS kut ikayuqhimmaangniaqtait tunikhailugit titiqqiviliqidjutikhatigut, havaklutik ahiqpani qiniqlugitlu STC kititiqtainnik GN kunnit pidjutihimayuni. Hapkuat ihivriuqnit qanuringmanggaanggitlu pipkainiaqtut NBS kunnut imaa piyaqhainnik nunataarhimayut pinggitut kititiqtauhimayut imaa Nunavut kititiqtait ihuaqpiagianggannik.

Nunavunmi Niqinik Akinggitnik Ihivriugutaa

Atuqtuni hitamani uqiuni, NBS kut havaagivaktaat taafffuminga Nunavunmi Niqinik Akinggitnik Ihivriuqhugit. Ihivriuvigillianga katitiqhutik naunaitkutinik ikayuutikhainnik munariyaamilu aadlatkiinggaat akikhat inuudjutikhanik piplutik tamaani nunallaani. Kavamatkuni Kivraqtuingnguyut (GLO nik taivagait) tamaimi nunallani taapkuatlu Iqalungni katitiqtut akinggitnik Kuuaani Kapaninitlu atuqpkatainni pinggahuiqtukhutik.

NBS kut havaagilluaqtait hivuni maniliqiiyit uqiungani pilihaangmat iliuraiplutik, upalunggaiyaiplutik tuniqhaiplugitlu katitiqhimayut qaritauyakkut ihivriugutaat iniqtaupluni. *StatsUpdate* taiguararhait taigualaqiplutik tuniyauplutiiklu atiinnut titirarhimayunut, imaa; takunnaqhutiklu inikhimayut naunaiyautikhat Havakviata qaritauyakkuugutaanni talvanga Taaqhivaliavia mit Apittiliriva nut 2015. Atauttiminilu, taiguararhani ilaliutihimayaat akiit aadlatkiinggaat aadlatkiinggaat niqinik niqaunggittuniklu nunallaamin nunallaamut, avikturviitni taafffumingal Nuuvvaavit Akinggit Naunaitkutaanik (CPI mik taivagaat) naunaitkutaita Kanatamun.

Aadlamilu ilanggini maniliqiiyit uqiungani atuqtauvakhuni upalunggaiyainirmun havakhugitlu 2016 mi ihivriugutainnik. Ihivriungniit nakuuhivalliadjutauyut talvuuna 2016 NFPS tigut. Malguuk aadlanggukhimayut taapkuangnguyut nakuuhivalliapluni

malikkuutikhaat makpираangnga nutaamiklu ayungnaittumik aturiami ihivriungnikkut makpираangnga. Atauttimut 141 nguyut ihivriuqtauvaktut hunavaluit 2016 mi (122 nik niqauyut 19 niklu niqaunggittutik). Aadlatlu hunavaluit, taapkuuatut aullaagutikhamik hiuquyu urhanik ilaliutihimayuq, pitquingmatik nunallaami havaktiit.

Ihvriungnikkut aulavikhait 2016 NFPS pidjutiyaat Qitqani Itjiruria atuqtilluni. NBS kut titiqlivingmitigut tuyuqhugit GLO kunnut ihivriuqvigiyauyukhanik piqaqhutik: ihivriungnikkut malikkuutikhaanik makpираangmik, ihivriuqtauyukhat makpiraaq (t), titirarhimayumiklu situanut atan'nguyainnut piqaqtiiplugit utiffaaqtauyaami katitiqtauhimayut naunaiyautikhat utiffaaqlugit ihivriuqtaudjutiit. GLO kut nunallaani tamaini Nunavunmi pulaaqpagait situat atuqtilluni Qiqialruq mi katitiqhugit akiit tuyuqhugitlu ihivriugutayut NBS kunnut. Tamaita makpираanggit tamainni nunallaani iniktauhimayut GLO kunnit tuyuqtauplutiklu NBS kunnut aulavikhaat kiqliqangnia atuqhugut Qiqailruq 25, 2016.

Naunaitkutinik qaritauyakkut iliurangniq, havakhugit tuniqhaiplugit pidjutihimmaangniaqtat atuliqqat nutaaq maniliqiiyt uqiunga. Naunaitkutigiyauyt qaritauyakkut *StatsUpdate ngalu* taiguararhait taigualaqiniaqhimayut tuniyauniaqtut titiraqtauhimayunut atiinnut talvunggaktaulutiklu Havakviata qaritauyakkuugutainnik atuqliqqat Imaruqtirvia 2016 min 17 nut maniliqiiyt uqiunggani. NBS kut upalunggaiyaliquit hivunikhanik Nunavut Niqinut Akiitnik Ihivriuqvikhainik. Pidjutihimmaangniaqtat ihivriugutaa munariyaami niuvvaaviitni akinggit qakungngugaikpat tamainnut nunallaaniaadlatkiingnik akingnik qiniklugit tamaani nunallaani adlanilu avikturviitnut.

Nunallaani Inuqangniit Nalaunggittut Nampait Havaakhanggitlu

Havakviata piliuqpagait uqiuk tamaat Nunavutim nunallaanut inuqarniit nalauhimanggittunik nampainnik. Nalauhimanggittut nampait atuqpagaat pidjutivaktuq “atuqtaavaliriam” nunallaani nalauhimanggittut nampainnik, pidjutivakkamikku ikayuutauyut inuuqarniitigut aadlangguqattaqpangmatta (inuulihaaqut, huiqtut nuutiqtutlu) atuqhutiklu aadlatkiingniq Kititiqhimayut Kanatami qaritauyakkut naunaikutainnik titiqliviliqidjutitlu Nunavun Kavamani. Pivallianiq hapkuninga atuqtauyukhanik tuniqhaiyuq Havakvianut inikhaqaqtiipluni piliuriami uqiuk tamaat nunallaanut nalauhimanggittunik nampainnik ‘katimavikmi’ Nakuuyunik pittaalaqittaqtuniku nunallaanut nalauhimanggittunik nampait ihariagiayayut hulivikhamut upalunggaiyainirmunlu adjikiiqtunik ikayuutikhainnut namunlikiaq.

NBS kut ihuaqhaffaaqpagait uplumimutlu ihuaqhafplugit Nunavut nunallaani inuqarniit nampait uqiuk tamaat pidjutiplutik Kititiriyyitkut Kanatami ihuaqhaffaaqtakhainnik kanatap avikturviitnut ukiuqtaqtumilu avikturviit inuqarniit nampait. 2015 2016 lu maniliqiiyt uqiungganni, NBS Kut nakuuhivalliayut nampainnik atuqtauyakhainnik piyaami nunallaat nampaita utiqtiqhutik uqiunggannut 2001. Pilihaaqtumik, nunallaat nampait pidjutigiyayut utiqtiffaaqhutik 2006 mut. Nunallaat nampait 2001 mit 2015 mut ilikkuuqtut ukiutigut naliangniklu arnaq angut piinnariaqaqtut NBS qaritauyakkuugutainni.

Havakviata iniktiqtaitlu ihuaqhaqtauhimayut nunallaanut inuqarniitnut piutaannik 2015 2016 maniliqiiyt uqiungganni. Havaakhaq atuqtauyukhaq nakuuqqiaqtumik ihuaqhaqtauyuq atuinnalaqipluni 2015 min 2036 mun piinnarialaqlunilu Havakviata qaritauyakkuugutainni aippaaninggukkat maniliqiiyt uqiungganni. Ihuaqhaqhimayut havaakhanut piumagumikkiq piinnariaqaqtat Havakvianit tamainnut nunallaanut.

Ihvriungnikkut Havaakhait

Uuktuqhimmaaqhutik piyut amigaikyuummigahuaqhugit havaktikhanik atan'nguyait havaanggitni Inuinnaqnik, Havakviata tunihiyut uuktuutikhamik qinikhiaqplugit Nunataarhimayumik Atan'nguyakhamik, Ihvriungnikkut Hivuliqtikhat Havakviliqiiyini. Hivuliqtikhani anggiktauyuq nunggutinnagu Upluiqtirvia 2015. Ihvriungnikkut pivallialiqttut ilihavikhamik makpiraaqhamik malikkutikhamiklu ilihattiaqtiyauyaamik Atan'nguyakhap havaktikhaat. Imaalu, naunaiyautikhanik ilihaiyit ilihagutikhainik, atan'nguyakhap havaanga ilaliutiyaat ilaunikku atuqtakhauyukhanik taapkuatut ilihapqagait "Fish Bowl" mik taivagaat, Two Circles taamnalu Study Interviews. Hapkuat piyauyut pipkaidjutigiyakhaat Atan'nguyakhaq ayuikhaluni pitilluni ilihaiyut atuqtakhainik havaanggit havaamini.

Ihvriungnikkut Havakviata ikayuutigivagait tamaani kavamatkunni auladjutainnik ihivriuqtauyukhanik piyauvaktuq qitqani uqiup aippaanggani. Ihvriungninga ihivriugutauyuq nakuuhivalliadjutikhanik atan'nguyait ihumaliutqiktakhainnik, ihuaquthainniklu havaamini nakuuhivalliadjutikhanikklu iniktiqtauyut. Hivulliutigyaat ihivriungningani pidjutivaktuq pivikhaqaqtiiplutik inmi-qanurilivaktuq ihivriuqtauvakhutik tamaita GN kunni havakviit havakviuyutlu kavamanut pidjutiplutik 25 ni Aadlatkiiqni six sini atan'nguyaliquikkut pidjutaini – Hivuliqtirinikkut, Ikpingnaqtut, Idjuhikhait, Ikayuqtigungginnaqhutik Inungnut Havakviit, Upalunggaiyainiq Ikayuutikhanik Munariniq, Kiuvikhaqarnikkut Havaanilu Qanurinmanggaatigut. Amigaittut uqautigiyauvaktut ihivriungnitigut nalvaqaqtainnik uqautiginiaqtaitlu aippaanggukkat maniliqiiyt uqiungganni.

Atuqtilluni uqiuk, Ihvriuqviiit ilauvaktut taapkunani Ilinggaiyaiviliqiiyinahuat Katimayiita nakuuhivallainahuaqhugit havaangganni qanurinmanggaatigut ihivriuqnikkut ilinggaiyaiviliqinikkut Nunavunmi, Aadlatlu takunnaqtittiyut taapkuatut Aadjikkiyyauyuitt Havaatigut Anggutinit Arnanut ilitturipkaiyut havaani anggyiuamik pidjutuyaami. Aadlatlu havaaqhat havaktauvaktut havaanik havaagiyakhanik pivikhaqaqlutiklu atuqtauvaktamingnik. Ilaliutiplunilu ihvriungninga uutuqtauyumayainnik kitirinirmun naunaitkutainnik hakugingnikhaanik atayunik ikayuqtigilluaqtauyut atuqtauyukhami talvali anggikliqlugu atuqtauvakaat hivuni takudjutilutik pilutik. Ihvriuqtauyut havakpagait naunaigiami humi piqaqtukhat ihuaquthainnut atuqtauvakaat. Ikayuqtit Aadlanik kitirinirmun havaanggit piyauvaktutlu. Aadlaniklu ihivriuqtauvaktut Ihvriungnikkut Havaaqhainni piyauvaktutlu. Talvanga ilitturipkaiyuq Aadlanik ihivriungnikkut iliuraqtauplutik Havaaqhaini amigaikyuummigagnik hulidjutikhat ihivriuqtaaqtunik.

Pidjutillutik maniliqiiyit uqiunggani, NBS kut GN kunni havaktiit ilauvaktut katimadjutini qaffini havainniitni katimaqtigiplugit Kitirriiyit Kanata, Nunavut Tunngavik Havakviata (NTI) Havaanikkutlu Inungnilu Pivalliavikhainnik Kanata (ESDC mik taivagaat) pivalliaqariami apikkuutikhanik Nunavut Kavamanganut Havaanut Ihivriungninganik (NGES mik taivagaat) Inuit Havaaqhainnik atuqtaurarhamik talvunamut 2017 Nunataarhimayunutlu Ihivriungninga (APS mik taivagaat). Hapkuat havaaqhat pidjutauyut pidjutigiplugu Nakataa 23 Nunavut Nunataarutinut Anggirutaannut ihumaliuqtauvakhuni pivikhaqaigumi katitirami naunaitkutikhani munariyaami havaktaaqtunik, havagumayuni upalunggaiyainirmunlu Inuit havaaqhainnik kavamatkunni ihivriuqlugitlu havaami havaakhait ihuaqtuniklu havaagivaktainnik tamaani Inuinnaqni Nunavunmi. NBS kut ikayuqpaktutlu NGES kunnut aulavikhainut havagaapkaghugit piliungnikhaat uuktuutikhamingnik havaaqhaat ihivriungnakkut. NBS kut ilauyut aadlani, ihariagiyauqpat, ikayuqhimmaangniaqtutlu aippaanggukkat maniliqiiyit uqiunggani.

Nakuuhivalliaqtaat Havaaliqinikkut Takudjutigiyauyut Atuqpagainnik

Uqiuni malruungni maniliqiiyit uqiunggani, Havakvia pivallialiuqpaktut havatiqaqtqaqlutik havaktikhainnik atuqtakhaani Nunavunmut. Atuqtauyukhat ikayuutauyuq ilitariyaami hadjami hivunilu havaanik aadjikkiinggittutut ittunik (taapkuatut ikinia havaaqhanik havaktikhanklu ihariariyauyut havaani). NBS kut havakpiaqpaktutlu ikayuqtauplutik Service Kanatamin. NBS kut iniktiliqtaat atuqyuqiliqhugu iharianiq atuqtauyakhaanik pivikhaqaqlutik qanurinmanggaatigut avikturviitigut ilangginilu nunallaatigut. Havaktikhatigut atuqtauyakhaat inikyuqiliqtuq pivallianiaqhimayutlu havaaliqinikkut takuyaami hivunitigut aippaanggukkat maniliqiiyit uqiunggani. Hapkuat naunaittiaqhimayut atuqtauyukhat iniktaugumik takudjutiniaqtut avikturviitni nunallaani aadlatkiidjutait tamaani Nunavunmi.

Nunavutim Havaaqhanut qaritauyakkut tutquumavianni uplumimut ihuaqhaqtauvaktuq tunihiyaangginni naunaitkutinik havaagiyauyukhanik tuniqhainikkut naunaitkutinik qaritauyakkut hivuniliuriami havaaqhanik piumayauyunik Nunavunmi. Havaklutik ilitturiyaami hivulliutigiyauyukhat havaaqhat Nunavunmi atuqlugit havaktiqanggittuni aadlanilu ikayuutigiyauyut havaktautillutik. Ihivriuqtit ikayuqpaktut amigaikhugit havaktiqanggitut havaat qaritauyakkut iliuraqtauvaktut naunaitkutikhakatitiqhimayunik aadlanik naunaitkutinik ilinniaqnikkut iniktigutainnik (an'ngayuqhiit iniktirutait high school diploma/university degree/graduate degree), qanurittunik ilihalluaqpagait (taapkuatut Munaqhiliqinikkut, Uyaqqanik Ayuittiaqtuq, MBA) aadlaniklu havakpagainnik piqaqtakhainnik havakviuyunit havaagilluaqpaktamingnik. Ihivriungninga ilinniaqnikkut iniktirutait ihumagiyauyutlu ilitariyaamilu aadlatkiiq ilihagutait havaaliqinikkut.

Tatkighiut Naatkaangngat Havaaliqinikkut Ihivriungninga

Havaaliqinikkut Ihivriungninga (LFS mik taivagaat) ihivriuqtauginnaqtuq naunaitkutaitalu tamainnut pidjutiyut Nunavunmut taiguararhaliuliqtut tatkiqhiut naatkaangngat. NBS kut piliqpagait tatkiqhiut tamaat titiqqanik kititiqhimayunik naunaiyautinik atuqhutik Ihivriuqtaudjutiinnit Havaaqliqinikkut Nunavunmut. Uqiuk tamaatlu piliuqtauvaktuqlu tuhaqtipkaidjutaupluni inungnut. Imaalu, aadlatkiiqnik kititiqhimayunik naunaiyautinik piliuqtauvaktutlu LFS tatkiqhiut tamaat uqiuk tamaat,

havaatikhatigut, havaktiyinit qanuringmanggaatigut (ukiunggit, arnaq angut, pitquhigiyait), havaanga, havakvikyuaq, taapkuatlu havaaqp idjuhiit Iqalungni. Tatkiqhiut uqiuk tamaatlu StatsUpdate nga kititiqhimayutlu naunaiyautit piinnariaqaqhimmaqtut NBS kut qaritauyakkuugutainni.

Nunallaami Inuuhinut-Piaggaiyautikhakkut Katitiqhimayut Naunaitkutinik Iliuraqtauyukhat Qaritauyarmut Havaanga

Havaagilluagiayakhaat hivuniraalurmun havaagiyamingnik ilitturiyautigut, katitiqlugit tuhaqtipkailugit kitiqhimayut naunaiyautaunniq Nunavut nunallaanggitnik avikturviitlu atuqtauplutik kavamatigut, nanminitugt inungnilu. GN kut aadlatlu katimayiuyut piqaqtukhat nunallaami inuuhinut-piaggaiyautikhakkut naunaitkutinik ihumaliuriamningnik aktuqtaugutigiyauttaaqtunik pivalliavidjutikhanik ikayuutauyunik aadlaniklu munaridjutivikhaqaqtunut, taapkuatut Nunavut Munariulluangnikkut Avikturviitnilu Inuuhinut-Piaggaiyautikhakkut Munariyauyiit Katimayiita (SEMC mik taivagaat). NBS kut ilauyut SEMC kut katimadjutainni havaqatigittiaqhugit Pivalliayuliqiiyitkut In'ngilrayuliqiyyitkulut naunaiqlugit nakuuyaakhaita naunaiyautikhak uplumimut nakuuyakhaital, piinnarialaqyaakhainik, pittaalaqyaqaqutilu ilauvaktunut nunallaani hiviliqtiinnut, GN kut, kavamatuqait havakvikyuanilu tigunmidjutiqaqtunut.

NBS kut piliuqpaktut qaffinik naunaiyautikhanki nunallaani/avikturviitnilu qaritauyakkuugutikhainnik atukluaqhutik Kititiriiyt Kanata naunaitkutigiyainnik titiqqiviliqinikkutlu naunaiyautainniki GN kunnit. NBS kut ikayuqhimmaaqpaktut katitiriplutik inungnutlu takupkaqhugit aadlatkiingniq inuuhinut-piaggaiyautikhakkut ihumagiayainnik, taapkuatut ilinniaqnikkut, inuqangniit, ikayuuhialiqinikkut, ihuingnaatigut, hunaniklu. Naunaiyautikhak piinnariaqaqtutlu SEMC Naunaiyautainni Nunauyanggitni qaritauyakkuugutaanni: www.nunavutsemc.com.

Aadlat Ihivriuqtauhimmaangniaqtut Havaakhat

Imaalut qaan'nganut ihivriuqtauvikhainnik, Havakviata qaffinik nampanik ihivriuqtauhimmaangniaqtainnik. NBS kut ilauhimmaangniaqtut Niqinit Niqikhailliurnaittumik Katimayiita Nunavunmut. NBS kut ilauhimmaaqpaktut pilurnikkut katimayiitani tunihimmaaqlutiklu naunaiyautikhankik ikayurnikkut, katimayip hivulliugutigiyainnik kangiqhittiaqtaulutik havaap havaktauhimmaaqtiluni. Taapkuatut, nalvaaqtainnik Niqinut Akit Ihivriungninga atuqtauniaqtuq Katimayiitnit naunaitiariamingnik nirittiaguminaqtuutikkut Katimayiita hadja ihuaqhaitillutik.

NBS kut ilauyut aadlanu iluani havakviuyuni katimayiitni Inuuhinut piaggaiyautikhakkut Uqaudjauyiit Katimayiita (SEAC mik taivagaat) Pidjutihimmaangnikkutlu Pivalliaviliqinikkut Uqaudjauyiit Katimayiita (SDAG mik taivagaat). Hivunikaat Havakviata ilaunikkut tunihilutik kititiqhimayunik uqaudjauyiulutik inuuhinut piaggaiyautikhakkutlu. Ikayuktauhimmaaqlutik katitiqlugit tuhaqtipkailugitlu naunaiyautinik ihuaqtumiklu uqaudjauyiulutik aadlatkiiqnik inuuhinut piaggaiyautikhakkut ihumagiayainnik, maniliurnikkut, nanminikhakkut, havaakkut, ilinniaqnikkut, inuqangniit, aanniaqtailinikkut, ihuinaaqnikkut nampait, hunavaluitlu. NBS kut ikhivaqatauyutlu Naunaiyautinik Pivalliavikhai Maniliurnikkutlu Aktuqtaudjutauyut taapkunanut Pulaangnikkut Nunavunmi Akhuuqhaiyut Katimayiita

ED&T kutlu. Havaakhaq ilaudjutigiyait ihivriungnik ihuaqhaiplugit kititirinirmunlu atuqpagaannik titirauplu iniktiqpakhugu ahinit ayuittiaqhimayumit.

Nunavunmi Kavamatuqainnalu Atayut

Nunavut Havakviata Kititirinirmun havakviugilluanguyut Nunavut Kavamanut imaalu, pidjutivakhutik piumayainni Nunavut talvanga kanatap kititirinirmun pidjutaanni. Havakviata ilauvaktuq aadlanu kanatap avikturviitni, ukiuqtaqtumi avikturviit kaffini katimayiini – Maniliurnikkut Maniit, Uyararhiurnirmun Nanminiitlu Nampait, Humi Nunaqaqtut Nampaitlu, Inungni Havaaliqinikkut Nampait Uqaqvigiyaqattaqtuyit Katimayiita Kititiqhimayunik Kanata adlatlu kanatap avikturviitni ukiuqtaqtumilu avikturviit amigaittuni kititiqhimayuni kititiqtauyumayaaitnik Nunavut atuquyauyut munariyauyutlu.

Atulihaaliqtumi maniliqiiyt uqiunggani, Kititiqtirinirmun Kanata uqaqvigiyyait NBS kut kititiqhimayunik – 2016 Nampainnik, nunallaani inuqangniit naluhimanggittunik nampait hivunikhaitlu, Niuvvaaliquinikkut Akiit Niqinut, Nunavut Niqait Akiit Ihivriugutaa, ihivriungnikkut apikkuutikhanik pivalliavikhaat, uuktuqtauhimakaffuktait havaanut upalunggaiyainikkut kititiqhimayuniklu ihivriungninga STC tuhaqtipkaidjutikhainnik aadlatkiqniq inungni maniliurnikkut ihumagiyait taapkuuatut, hitammiuqtukhutik inuqangniit nalauhimanggittut nampait, kavamatkut maniliqinikkut kititiqhimayait, itpiaqtunik mikiyut anggiyutluunnit GDP, GDP havakvikyuami aadlanilu maniliungnikkut takudjutigiyauyut.